



პროექტი

“WASH ინიციატივა საქართველოში სოფლად
მცხოვრები სოციალურად დაუცველი ქალებისა და
ბავშვებისათვის”

საგრანტო სახელმძღვანელო

Contents

1. პროექტის შესახებ.....	3
2. საგრანტო კონკურსის მიზანი	3
3. კონკურსში მონაწილეობა	3
4. საგრანტო დაფინანსების შესაძლებლობა და ოდენობა.....	4
5. საგრანტო კონკურსის ეტაპები, ვადები და განაცხადების შერჩევა/შეფასება	5
6. განაცხადების შერჩევის და შეფასების პროცესი.....	5
7. ფინანსურ-ადმინისტრაციული შემოწმება	5
8. შერჩევის პროცესი	6
9. შეფასების პროცესი	6
10. ინტერესთა კონფლიქტი, ხელშეკრულება და შესყიდვები	7
11. მონიტორინგი, განხილვა და შეფასება	8

1. პროექტის შესახებ

პროექტის *“WASH ინიციატივა საქართველოში სოფლად მცხოვრები სოციალურად დაუცველი ქალებისა და ბავშვებისათვის”* მიზანია საქართველოს სოციალურად დაუცველი და მოწყვლადი მრავალეთნიკური თემების მოსახლეობის ჯანმრთელობის დაცვისა და საცხოვრებელი პირობების გაუმჯობესების ხელშეწყობა. პროექტის კონკრეტული მიზნებია მრავალეთნიკურ სოფლის თემებში ქალებისა და ახალგაზრდების კეთილდღეობის გაზრდა; წყლის, სანიტარიისა და ჰიგიენის (WASH) სტანდარტების დანერგვა და ცნობიერების ამაღლება წყალზე, სანიტარიასა და ჰიგიენაზე.

პროექტს ახორციელებს CENN, New World Programme-ის ფინანსური მხარდაჭერით.

2. საგრანტო კონკურსის მიზანი

საგრანტო კონკურსის მიზანია სოციალურად დაუცველ თემებში და სამიზნე ობიექტებში (სკოლები და საბავშვო ბაღები) სასმელ წყალზე, სანიტარიისა და ჰიგიენის სერვისებზე ხელმისაწვდომობის გაზრდა მცირე ინფრასტრუქტურული და საგანმანათლებლო პროექტების განხორციელების გზით.

საგრანტო კონკურსის პრიორიტეტული მიმართულებებია:

1. ჯანმრთელობის დაცვა და სოციალური კეთილდღეობა;
2. განათლება და ცნობიერების ამაღლება;
3. მცირე ინფრასტრუქტურული პროექტების განხორციელება;
4. ბუნებრივი რესურსების მართვა (მაგ.: წყალშემკრები აუზი, ნარჩენების მართვა და სხვ.).

3. კონკურსში მონაწილეობა

ა) საგრანტო კონკურსში მონაწილეობის უფლება აქვს საქართველოში რეგისტრირებულ შემდეგ სუბიექტებს:

1. არასამეწარმეო (არაკომერციული) იურიდიული პირებს (არასამთავრობო ორგანიზაცია, ასოციაცია, ფონდი და ა.შ.);
2. სამიზნე მუნიციპალიტეტებში (კახეთი, ქვემო ქართლი, იმერეთი) არსებული თვითმმართველობის საჯარო სამართლის იურიდიულ პირებს;
3. სამიზნე მუნიციპალიტეტებში არსებული კულტურულ-საგანმანათლებლო ორგანიზაციებს;

4. საინიციატივო ჯგუფებს.

ბ) კონკურსში მონაწილეობის უფლება არ აქვს:

1. პოლიტიკურ პარტიებს;
2. რელიგიურ ორგანიზაციებს;
3. ფინანსურ ინსტიტუტებს (ბანკი, მიკროსაფინანსო, ლომბარდი და ა.შ.).
4. ორგანიზაციებს, კავშირებს, გაერთიანებებს, საინიციატივო ჯგუფებს და ა.შ. რომლებიც სქესის, რელიგიური შეხედულებების, ეთნიკური წარმომადგენლობის და სექსუალური ორიენტაციის საფუძველზე ახდენენ ფიზიკური პირების ან/და კონკრეტული ჯგუფების დისკრიმინაციას.

4. საგრანტო დაფინანსების შესაძლებლობა და ოდენობა

- დაფინანსების მაქსიმალური ოდენობა ცალკეული ინიციატივისთვის შეადგენს 2,500 ამერიკულ დოლარს ექვივალენტს ეროვნულ ვალუტაში, ხოლო მინიმალური – 500 ამერიკულ დოლარს ექვივალენტს ეროვნულ ვალუტაში;
- განმცხადებლებს არ მოეთხოვებათ ფულადი თანამონაწილეობა;
- იმ პროექტებს, რომლებიც ითვალისწინებენ წყლის გაყვანას, აუცილებელია ბიუჯეტებში გათვალისწინებული ჰქონდეთ წყლის ტესტის ანალიზი შემდეგზე: დარიშხანი, ფტორი, ნაწლავის ჩხირი (E. Coli) და ნიტრატი;
- დონორი ორგანიზაცია იტოვებს უფლებას გამარჯვებული პროექტების განხორციელების ეტაპზე, ხარჯთ-ეფექტურობის მაქსიმიზაციის და ოპტიმიზაციის მიზნით შეისყიდოს და გადასცეს ძირითადი საშუალებები (ასეთის არსებობის შემთხვევაში) ბენეფიციარს.

საგრანტო რესურსით არ ფინანსდება შემდეგი ხარჯები:

1. ხელფასები (გამონაკლის შემთხვევაში შესაძლოა დაფინანსდეს ექსპერტის/სპეციალისტის ჰონორარი) და მიმდინარე ხარჯები;
2. უძრავი ქონების შეძენა;
3. სემინარებში, სამუშაო შეხვედრებში და კონფერენციებში ინდივიდუალური მონაწილეობა;
4. კვლევების ან ტრენინგების ინდივიდუალური დაფინანსება, გარდა იმ შემთხვევებისა, როცა ის წარმოადგენს ძირითადი საქმიანობის შემადგენელ კომპონენტს;
5. აკადემიური და სამეცნიერო კვლევები;
6. სასწავლო/სამეცნიერო გრანტები;
7. ჰუმანიტარული აქციები და საქმიანობა;
8. ვალები და მომავალი შესაძლო ზარალისათვის გათვალისწინებული ხარჯები;
9. გადასახდელი პროცენტები, საურავები, ჯარიმები;
10. ზარალი, გამოწვეული სავალუტო კონვერტაციის შედეგად;
11. მესამე მხარისათვის გაცემული სესხები;

12. სადაზღვევო ხარჯები;
13. საქართველოს მოქმედი კანონმდებლობით აკრძალული საქმიანობები.

5. საგრანტო კონკურსის ეტაპები, ვადები და განაცხადების შერჩევა/შეფასება

საგრანტო კონკურსი შედგება შემდეგი ეტაპებისგან:

- I ეტაპი – საგრანტო პროექტის წარდგენა (დეტალური ხარჯთაღრიცხვით);
- II ეტაპი – საგრანტო განაცხადის დამტკიცება.

საგრანტო კონკურსში განმცხადებელს შეუძლია რამდენიმე განაცხადის წარდგენა, თუმცა დაფინანსდება მხოლოდ ერთი განაცხადი.

განაცხადების წარმოდგენა შესაძლებელია მხოლოდ ქართულ ენაზე. განაცხადზე თანდართულ უცხოენოვან დოკუმენტაციას უნდა ახლდეს ნოტარიულად დამოწმებული ქართული თარგმანი.

I ეტაპი – საგრანტო პროექტის წარდგენა

პროექტის გუნდი, რეკომენდაციებისა და რჩევების მიცემის ფორმატში, მხარს დაუჭერს საგრანტო კონკურსის ავტორებს, მათი განაცხადების სრულყოფისა და ბიუჯეტთან შესაბამისობის უზრუნველყოფის მიზნით.

განაცხადები წარდგენილ უნდა იქნეს არაუგვიანეს 2019 წლის 3 ოქტომბრისა (18:00 სთ), ელექტრონული ფორმით, შემდეგ მისამართზე: vakho.kochoradze@cenn.org

დაგვიანებული ან შეუსაბამო განაცხადები არ განიხილება.

6. განაცხადების შერჩევის და შეფასების პროცესი

განაცხადების ფინანსურ-ადმინისტრაციულ შემოწმებას, შერჩევას და შეფასებას ახდენს საგრანტო კომისია.

7. ფინანსურ-ადმინისტრაციული შემოწმება

საგრანტო განაცხადი, შერჩევის და შეფასების პროცესის დაწყებამდე, გაივლის ფინანსურ-ადმინისტრაციულ შემოწმებას (წარმოდგენის ვადა, განაცხადის ფორმა, განმცხადებლის

რეკვიზიტები, დანართების სიზუსტე, ბიუჯეტის რელევანტურობა და ა.შ.).

ფინანსურ-ადმინისტრაციული შემოწმების ეტაპზე აღმოჩენილი ხარვეზ(ებ)ის არსებობა, რომელიც შეუძლებელს გახდის განაცხადის შეფასებას, გამოიწვევს საგრანტო კონკურსიდან განაცხადის დისკვალიფიკაციას.

8. შერჩევის პროცესი

საგრანტო განაცხადების შერჩევის პროცესი გულისხმობს I ეტაპზე წარმოდგენილი განაცხადების საგრანტო კონკურსის მიზანთან შესაბამისობის დადგენას შემდეგი კრიტერიუმების გათვალისწინებით:

1. წარმოდგენილი იდეის განხორციელების ადგილმდებარეობა – პროექტი უნდა განხორციელდეს სამიზნე მუნიციპალიტეტის ადმინისტრაციულ საზღვრებში;
2. პროექტის ხანგრძლივობა – პროექტის განხორციელების ვადა არ უნდა აღემატებოდეს 3 თვეს;
3. პროექტის ბიუჯეტი და საგრანტო თანხა – პროექტის ბიუჯეტი და საგრანტო თანხა უნდა შეესაბამებოდეს პროექტის ფინანსური დაგეგმარების კრიტერიუმებს
4. განმცხადებლის სტატუსი – განმცხადებლის სტატუსი უნდა შეესაბამებოდეს კონკურსში მონაწილეობის უფლების მქონე სუბიექტების სტატუსს;
5. იდეის/პრობლემის აქტუალურობა – რამდენად აქტუალურია იდეა/პრობლემა მიზნობრივი ადგილმდებარეობისათვის;

ყველა ზემოთ ჩამოთვლილი კრიტერიუმის გათვალისწინებით, შერჩევის შედეგები ეცნობება განმცხადებლებს როგორც დადებითი, ასევე უარყოფითი შედეგის შემთხვევაში. უარყოფითი შედეგის შემთხვევაში, წერილობითი მოთხოვნის საფუძველზე, განმცხადებელს მიეცემა წერილობითი პასუხი უარის თქმის მიზეზების შესახებ.

შერჩევის პროცესის დასრულების ვადაა 2019 წლის 7 ოქტომბერი.

9. შეფასების პროცესი

სრული განაცხადის წარდგენის ვადის ამოწურვისთანავე, საგრანტო კომისია იწყებს სრული განაცხადების ფინანსურ-ადმინისტრაციული შემოწმებისა და შეფასების პროცესს.

სრული განაცხადების შეფასება ხორციელდება საგრანტო კომისიის წევრების მიერ ინდივიდუალურად, ერთობლივად დამტკიცებული ფორმით.

განაცხადის შეფასება განხორციელდება შემდეგი ძირითადი კრიტერიუმებით:

1. საგრანტო განაცხადით წარმოდგენილი იდეის კავშირი პროექტის მიზნებთან და პრიორიტეტებთან;
2. იდეის, პრობლემის აღწერა – რამდენად აქტუალურია წარმოდგენილი იდეა/პრობლემა მიზნობრივი ადგილმდებარეობისათვის;
3. განმცხადებლის ცოდნა ან/და გამოცდილება წარმოდგენილი პროექტის თემატიკასთან დაკავშირებით;
4. ხელშემწყობი წინაპირობები – პროექტის განხორციელებასთან დაკავშირებული გარემო-ფაქტორები და რესურსები (ადამიანური, ტექნიკური და ა.შ.);
5. პროექტის განხორციელების მიდგომები – პროექტის განხორციელებისათვის დაგეგმილი აქტივობები;
6. პროექტის ფინანსური დაგეგმარება (ლოგიკური ბიუჯეტი – ხარჯების რეალისტური გათვლა);
7. პროექტის განხორციელების რისკები და მათი შემცირების გზები;
8. პროექტის განხორციელების გეგმა-გრაფიკი;
9. პროექტის განხორციელებით მიღებული შედეგები;
10. პროექტის სიცოცხლისუნარიანობა.

განაცხადის შეფასების პროცესში საგრანტო კომისია უფლებამოსილია, განაცხადში მოყვანილი გარემოებების გადამოწმების მიზნით, მოთხოვოს განმცხადებელს დამატებითი ინფორმაციის წარმოდგენა ან/და განმარტებები კონკრეტულ საკითხზე. ასევე, ფაქტებისა და გარემოებების ადგილზე გადამოწმება. აღნიშნულ პროცესს კომისია ახორციელებს მონიტორინგის ჯგუფის მეშვეობით, რომელიც იქმნება CENN-ის მიერ, მინიმუმ 3 წევრის შემადგენლობით.

თითოეულ განაცხადზე კომისიის წევრების მიერ გაკეთებული ინდივიდუალური შეფასების ქულები ჯამდება, რაც წარმოადგენს კონკრეტული საგრანტო განაცხადის შეფასების საბოლოო ქულას.

10. ინტერესთა კონფლიქტი, ხელშეკრულება და შესყიდვები

თუკი განაცხადი და მასთან ერთად წარმოდგენილი ყველა დოკუმენტი სრულ წესრიგშია, გაფორმდება გრანტის ხელშეკრულება CENN-თან. თუ პროექტი მოიცავს იმ ობიექტზე სამუშაოებს, რომელიც არის სახელმწიფო / კერძო მფლობელობაში, განმცხადებელი ვალდებულია მოიპოვოს ყველა შესაბამისი ნებართვა სამუშაოების დაწყებასთან დაკავშირებით.

ხელშეკრულებაში დეტალურად იქნება გაწერილი ყველა მხარის როლები და პასუხისმგებლობები პროექტის განხორციელებასა და დაფინანსებაზე, ასევე, შეთანხმების პირობებზე. გრანტის ხელშეკრულების ხელმოწერის შემდეგ ყველა შესყიდვა განხორციელდება CENN-ის მიერ შესაბამისი შესყიდვის პროცედურების წესების დაცვით. პროექტის დასრულებისას, ყველა აქტივი, ასეთის არსებობის შემთხვევაში გადაეცემა გრანტის მიმღებს, რომელიც პასუხისმგებელი იქნება მათ შემდგომ გამოყენებასა და მოვლა-პატრონობაზე.

11. მონიტორინგი, განხილვა და შეფასება

პროექტის ყველა სამართლებრივი და ფინანსური დოკუმენტი ხელმისაწვდომი უნდა იყოს შემმოწმებლისთვის პროექტის განხორციელებისა და მონიტორინგის დროს. ზემოხსენებული დოკუმენტაცია არ გასაჯაროვდება, თუ მასში არ შედის კანონითა და საგრანტო ხელშეკრულებით გათვალისწინებული დარღვევები. აღნიშნული დოკუმენტაცია ხელმისაწვდომი უნდა იყოს მონიტორინგის გუნდისათვის 3 წლის განმავლობაში. პროგრამის ფარგლებში მხარდაჭერილი პროექტები უნდა დარჩეს მოქმედი და ემსახურებოდეს დასახულ მიზნებს განმცხადებლის მიერ შეთანხმებული პერიოდის განმავლობაში. პირდაპირი ბენეფიციარები უნდა შეესაბამებოდნენ ევროკავშირის მიზნებსა და პრიორიტეტებს და მათ უნდა უზრუნველყონ ევროკავშირის დაფინანსების ხილვადობა გამოცდილების გაზიარების მიზნით, ხელმოწერის დღიდან მომდევნო სამი წლის განმავლობაში. CENN-ის თხოვნის საფუძველზე, ბენეფიციარმა უნდა უზრუნველყოს საგრანტო პროექტის ჩვენება ყველა დაინტერესებული მხარისთვის.